

3393/6

D. O. M.
MEMORIA IMMORTALIS.

FAbulam quisquis dixerit humanam vitam,
Aptè dixit:

Lusit in hoc Mundi Theatro

SERENISSIMUS CAROLUS

In Scena exhibens *LOTHARINGIÆ DUCEM,*

Cæsarei Exercitus Locumtenentis Generalis;

Cujus,

Aut si Personæ requiris Majestatem, aut Virium fortitudinem,

Aut raræ prudentiæ, consiliorumque maturitatem,

Aut animi innocentiam, aut morum integritatem,

Aut Natalium Celsitudinem.

Aut denique avitæ virtutis prærogativam,

Reperies in Singulis

Dignum suo officio, Comicum.

Æmulum Scipionis,

Augusto parem, non Imparem Alexandro

Feliciorem Annibale.

Cujus gloriosorum facinorum Seriem,

Non capit hæc chartæ angustia.

Inviæti Animi Herculem

Deprædicabunt olim Historiarum fasti:

Encomia quæ virtus meruit

Suo loco dabunt.

Qui post exantlatos pro Deo & Cæsare labores

Ob liberatam in Austria Viennam,

Ob Austriæ perpetuè vindicatam Pannoniam,

Pannoniæ libertatem:

Libertati fidem,

Fidei Meritum:

Ob indè depulsam Ottomannicam feritatem,
Rebellantium aversum furorem, redeuntium repulsam,
Ob extinctam superstitionis pravitatem,
Et plantata veræ fidei Germina,

Latèque diffusa in barbaras Regiones Catholica Dogmata:

Hinc DEO, illinc CÆSARI

Inviolabilem testatus est fidem.

Cujus Virtus:

Ne vel oblivione, vel reticentia Sepulta sit:

HOC IMMORTALIS GLORIÆ MONUMENTO

Gratus AUSTRIACORUM animus, cavit.

Et æternâ memoriâ, æternitati transcribit.

Qui si hujus vitæ finivit fabulam

Meliorē nactus est Conditionem

Nam ipso Marti Sacrato Die

Ad superos evolavit.

Quasi

Post debellata in terris fatalia Sidera

Ipsis etiam coelis sit Martem moturus:

Verè Martius, & post fata Martialis,

Ab Avito Patriæ Nomine,

Nomen adeptus.

Ast non pugnaturus ense, sed prece

Videlicet pro AUSTRIACA felicitate

Apud Superos

ORATOR.

Cui pro accepto Austriacorum Patrocinio

Illustrium Poetarum Numeris centonē

Canebat Elegiacum

GEORGIUS ANDREAS GLADICH Cathedralis
Labacensis Eccl. Can.^{us}

*Manilius lib. 1.
Astrono.*

Aurato Princeps - - - in vellere fulgens,

Ovid. lib. 1. Trist.

Agminibus Comitum, qui modo cinctus erat:

Juvenalis Satyr. 14.

Utilis & bellorum, & pacis rebus agendis,

Cui fuit ex omni parte probata fides:

*Joan. Jovianus Pon-
tanus.*

*Silius Italicus lib. 9.
de Bello Pun.*

Alpera semper amans, & par cuicumque periculo

Ovid. lib. 4. de Ponto.

Crescit, & immentum gloria calear habet.

Ovid. lib. 5. Trist.

Scilicet adversis probitas exercitarebus

Vitus Vespas. Stroza.

Herculis, haud illi gloria parva fuit.

*Joan. Franc. Picus
Mirand. de Myst.*

Dum CAROLUS bello jam Parthenopæa subiret,

Dom. Crucis.

Languidulum inclinat morte premente caput.

P. Franc. de Macedo

Eleg. 4. ad princ.

Leodegastus à Quercu

Florens ingenio, forma, virtute, juventa,

Thomas Morus.

Illicò marcescens, ut rosa verna cadit.

*Mapheus Vegius Æ-
neid. Virg. lib. 3.*

Heu mortem invisam, quæ sola ultricibus armis

Petronius in Statyr.

Ætatis nostræ gaudia prima rapis!

*Tibullus lib. 1. Eleg.
4.*

Quam cito purpureos deperdit terra colores!

*Joan. Jordanus ex
Epig. Grac.*

Ætatis florem surripit una dies!

Propertius lib. 3. Eleg.

Sed tamen hic omnes, hic primus & ultimus ordo:

Ovid. lib. 2. fastorum

Et memorem famam, qui bene gessit habet.

Juvenalis Satyr. 10.

Has toties optata exegit gloria pœnas;

Propertius lib. 4. Eleg.

Non juvat ex facili lecta corona jugo.

*Silius Italicus lib. 6.
Bel. Pun.*

Arripuit, traxitque Virum fax mentis honestæ,

Jovianus Pontanus.

Quæ Sacra pro Christi nomine bella gerit,

*Lucanus lib. 9. belli
Civil.*

Ille Deo plenus, tacita quæ mente gerebat,

Michael Verinus.

Non horret mortis vulnera dira pati:

*Claud. de 6. Conf.
Hon. Aug. in pref.*

En Princeps, en Orbis apex æquatus Olympo.

*Jod. de Backer de Duce
Vejar.*

Stabit in Astrifero, ceu nova Stella polo.

Virg. 3. Æneid.

Sic oculos, sic ille manus, sic ora gerebat,

Ovid. lib. 3. de Arte.

Hoc docet, hoc leges, jusque, pudorque jubent.

Lucretius lib. 5. Epig. O miseris hominum inentes, & pectora coeca.

Martialis lib. 5. Epig. Nulla Ducis virtus dulcior esse potest.

P. Faustus Andrelinus. O te felicem totus cui rideat æther!

Cornelius Gallus. O Miseri quorum gaudia crimen habet!

Vitus Vespasianus Stroza. Te venerata ferox Germania, norat Iberus:

Ovid. lib. 3. de Ponto. Laudarunt omnes facta, piãque fidem.

Franc. Bencius de 5. Martyr. lib. 6. ad finem. Lamina & in Scriptum referent per læcula nomen,

Colleg. Conimb. ad finem franc. Mendoca ad finem. Et quod fata negant mamora Sculpta dabunt.

Virgilius Ecloga 5. & 1. aneid. Semper honos noménque tuum, laudéq; manebunt.

Julius Casar Scaliger. Nam Christo, quod non militat, omne perit.

FINIS VIRTUOSI, & strenVI DUCIS:
pax sempIterna,
ÆternItatis gloria.

